



ҚАЗАҚСТАН ҰЛТТЫҚ БАНКІ

АҚПАРАТТЫҚ ХАБАР

2019 жылғы 15 қаңтар

Қазақстан Ұлттық Банкінде сараптама қоғамдастығының өкілдерімен кезекті кездесу өтті

Бүгін Алматыда Қазақстан Ұлттық Банкі өкілдерінің қаржы сарапшыларымен кезекті кездесуі өтті, оның барысында реттеушінің ақша-кредит саясатының, ақша және валюта нарықтарындағы жағдайлар мәселелері, сондай-ақ қаржы реттеушісінің базалық мөлшерлемені +/-1 пайыздық мөлшерлемелердің дәлізімен 9,25%-дық деңгейде сақтау туралы шешімі талқыланды. Өтімділікті ұсыну және алу операциялары бойынша мөлшерлемелердің дәлізі осы жолы да тиісінше 10,25% және 8,25%-дық деңгейде өзгеріссіз қалдырылды.

Қазақстан Ұлттық Банкінің Зерттеулер және статистика департаментінің директоры Виталий Тутушкин айтып бергендей ағымдағы шешім кезінде жылдық инфляцияның нақты деңгейі, оның ағымдағы жылғы арналған болжамдық мәндерге және бағаларына сәйкестігі, сондай-ақ халықтың инфляциялық күтулерінің байқалып отырған төмендеуі назарға алынды.

«2018 жылдың қорытындысы бойынша инфляция 5-7% нысаналы дәліз шегінде сақталды. Өткен жылғы соңғы үш айда инфляция 5,3% деңгейде болып, өзгерген жоқ. 2017 жылмен салыстырғанда инфляцияның бәсеңдеуі тұтынушылық тауарлар мен қызмет көрсетулердің барлық топтары бойынша тіркелді. Азық-түлік тауарлары бойынша бағаның өсуі бір жыл бұрынғы 6,5%-бен салыстырғанда 5,1%-ды, азық-түлікке жатпайтын құрауыш бойынша 8,9%-бен салыстырғанда 6,4%-ды құрады. Ақылы қызметтер 4,5%-ға қымбаттады, ал 2017 жылы тарифтердің өсуі 5,9%-ды құраған», - деді В.Тутушкин.

Ол базалық инфляцияның серпіні тұтынушылық нарықтағы инфляциялық аяның сақталуын білдіреді деп атап өтті. Оның неғұрлым құбылмалы бағаларды және реттелетін құрауыштарды қоспай есептелген деңгейі 2018 жылы 6,2%-дан 6,7%-ға дейін жеделдегенін көрсетті

В. Тутушкиннің айтуы бойынша инфляцияның негізгі факторы ішкі сұраныстың кеңеюі болып қалуын жалғастыруда, ол өткен және сол сияқты ағымдағы жылы басым түрде фискалдық ынталандырумен нығаюда.

«Мәселен, халықтың нақты кірістерінің өсуі 2018 жылғы 11 айда 4,4%-ды құрады. Ішкі сұраныстың кеңеюіне 2019 жылы жалақысы төмен қызметкерлер үшін ең төменгі жалақының көтерілуі және салықтық жүктеменің төмендеуі себепші болады», - деп түсіндірді В.Тутушкин.

Ол сондай-ақ тұтынушылық кредиттеу көлемінің өсуі қарашада жылдық көрсеткіш бойынша 11%-ды құрады. Экономиканы кредиттеудің одан әрі өсуіне 2017-2018 жылдары жүргізілген банк секторын қалыпқа келтіру және реттеу мен қадағалаудың жаңа тәсілдері себепші болады. 2019 жылы кредиттік портфельдің номиналдық ІЖӨ өсуіне жоғары қарқынмен өсетіні күтіледі.

В.Тутушкин сыртқы секторда қысқа мерзімді және сол сияқты орта мерзімді перспективада тәуекел сценарийлерін іске асыру үшін айтарлық әлеует бұрынғыша сақталатындығын айтты. «Мұнайдың бағасы алдыңғы жылғы қазан-желтоқсанда соңғы

бір жарым жылдағы ең төменгі мәндерге дейін төмендегеннен кейін, өткен аптаның соңында бір баррель үшін 60 АҚШ долларынан жоғары деңгейге көтерілді. Сонымен қатар, олар ең жоғары дегенде бір баррель үшін 86 АҚШ долларына жеткен 2018 жылғы қазанның көрсеткіштерінен айтарлық төмен болып қалады», - деді ол.

Сонымен қатар сыртқы инфляциялық аяның күшеюі байқалады. В. Тутшкин атап өткеніндей негізгі сауда әріптес ретінде Ресейдегі нақты жылдық инфляция 4% болатын нысаналы көрсеткіштен жоғары қалыптасуда. «Ресейден импорттың жоғары үлесін ескере отырып, ағымдағы жылы Ресей инфляциясының бұдан әрі жылдамдатылуын бағалау Қазақстанның ішкі бағаларына проинфляциялық қысым үшін әлеуетті қалыптастырады», - деді ол.

Қазақстан Ұлттық Банкі өкілінің айтуынша, әлемдік азық-түлік нарықтарында бағалардың жалпы төмендеуі байқалып отыр. ФАО индексі жылдық көрсеткіште 4,3%-ға төмендеді. Желтоқсанда сүт өнімдері (қарашамен салыстырғанда -3,3%) мен қант (-1,9%) бағасын белгілеудің төмендеуі тіркелді. Осыған қарамастан, дәнді дақылдардың (1,8%), ет (0,8%) пен майдың (0,4%) бағасы өсті.

«Халықтың инфляциялық күтулері желтоқсанның қорытындысы бойынша 5,0%-ды құрап, нақты инфляция деңгейінен төмен қалыптасты. 4-тоқсанда олардың деңгейі іс жүзінде 6,4%-дан 1,5%-ға төмендеді. Бұдан былайғы тұрақтандыру және инфляциялық күтулерге ықпал ету тиімділігін арттыру Қазақстан Ұлттық Банкінің маңызды міндеті болып қалып отыр», - деп хабарлады В. Тутушкин.

Ол желтоқсандағы пікіртерімдердің қорытындысы бойынша халықтың 12 айдан кейінгі инфляцияның ықтимал деңгейі туралы бағасы 16,3%-ды құрағанын атап өтті. Өткен жылға қабылданатын инфляцияны бағалау 16,9% болды.

«Бұл баламалы бағалаулар квантификаттауды болжамайтынын және респонденттер атайтын инфляция деңгейінің тек нақты сандық мәні ғана ескерілетінін еске саламын», - деп айтып берді В. Тутушкин.

Сондай-ақ Қазақстан Ұлттық Банкінің өкілі жоғарыда аталған факторларды ескере отырып, ағымдағы жылы Қазақстан Ұлттық Банкі инфляцияны жаңа, барынша төмен дәліз 4-6% ішінде сақтауды күтетінін айтты. Бұл ретте ағымдағы бағалардың деңгейі жыл соңында 5-6% шектерде дәліздің жоғарғы жартысында қалыптасатынын көрсетті.

Қазақстан Ұлттық Банкінің өкілдері кездесу соңында сарапшылардың сұрақтарына жауап берді, өз кезегінде, сарапшылар ағымдағы жағдай және елдің қаржы нарығындағы өзгерістер туралы шынайы ақпаратты алу мүмкіндігі берілетін осындай кездесулерді өткізудің маңыздылығын атап өтті.

Қазақстан Ұлттық Банкі сарапшылармен кездесуді қаржы реттеушісінің нарықпен және жұртшылықпен белсенді қарым-қатынас жасау саясаты шеңберінде тұрақты негізде жүргізетінін еске салған жөн. Базалық мөлшерлеме жөніндегі келесі шешім Астана қаласының уақыты бойынша 2019 жылғы 4 наурызда сағат 17:00-де жарияланатын болады.

Толығырақ ақпаратты БАҚ өкілдері мына телефон бойынша алуына болады:
+7 (727) 704 585
e-mail: press@nationalbank.kz
www.nationalbank.kz